

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA NNE

KIKAO CHA NNE

09 SEPTEMBER, 2016



ORODHA YA SHUGHULI ZA LEO

MKUTANO WA NNE

KIKAO CHA NNE – TAREHE 09 SEPTEMBER, 2016

I. DUA:

II. MASWALI:

OFISI YA WAZIRI MKUU:

41. MHESHIMIWA INNOCENT LUGHA BASHUNGWA (KARAGWE):

Atamuuliza Mheshimiwa Waziri Mkuu:- Mpango wa NSSF kutoa mkopo kwa bei nafuu kwa Vyama vya Ushirika ili navyo viweze kutoa mikopo kwa bei nafuu kwa Wananchi wa Karagwe ulikuwa mzuri lakini umekabiliwa na changamoto na kero kubwa kwa Wananchi pale wanapotozwa Tsh. 280,000/= kama kigezo cha kupata mikopo hiyo lakini mpaka sasa Wananchi hawajapata mikopo hiyo na Serikali haijatoa maelekezo yoyote juu ya hali hiyo:-

Je, ni nini msimamo wa Serikali kuhusiana na jambo hilo.

OFISI YA RAIS (TAMISEMI):

42. MHESHIMIWA YOSEPHER FERDINAND KOMBA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali Teule ya Wilaya ya Muheza iliyoanzishwa miaka ya 1980 kwa ushirikiano kati ya Kanisa la Anglican na Serikali imekuwa ikitoa huduma kwa wagonjwa wengi ndani na nje ya Wilaya ya Muheza, hivyo kuzidiwa uwezo wa kuhudumia pamoja na ukosefu wa vifaa tiba:-

- (a) Je, ni lini Serikali itaipatia Hospitali hiyo gari la kubeba wagonjwa ili kuboresha huduma na kuokoa maisha ya Watanzania;
- (b) Je, nini mkakati wa Serikali katika kumaliza changamoto ya Wahudumu wa Afya katika Hospitali hiyo.

43. MHESHIMIWA SAUL HENRY AMON (RUNGWE):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mpango gani wa kuboresha miundombinu ya maji Mji Mdogo wa Tukuyu kwani hali ya maji ni mbaya sana na miundombinu iliyopo ni ya zamani.

44. MHESHIMIWA ESTER ALEXANDER MAHAWE (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Bajeti ya mpango wa barabara inayopelekwa katika Halmashauri zetu ni ndogo na haikidhi mahitaji.

Je, Serikali haioni ni wakati muafaka sasa kuongeza bajeti hiyo ili Halmashauri nchini ziweze kununua vifaa vya kutengenezea barabara zao za ndani ili kuondoa kero isiyokuwa ya lazima.

WIZARA YA FEDHA NA MIPANGO:

45. MHESHIMIWA JAMAL KASSIM ALI (MAGOMENI):

Atamuuliza Mheshimiwa Waziri wa Fedha na Mipango:- Serikali imeanzisha mfumo ambao wafanyabiashara wanapouza au kutoa huduma wanatakiwa watoe risiti kupitia mashine za EFDs kwa mujibu wa Sheria na Kanuni za Kodi:-

Je, Serikali ina mkakati gani wa kuweka utaratibu ambao utawezesha TRA kupata rekodi za moja kwa moja kama ambavyo inapata kupitia kwenye Mfumo wa EFDs kwa mauzo ambayo yanafanyika kwa njia ya “*Electronic Commerce*”.

46. MHESHIMIWA MWANTAKAJE HAJI JUMA (BUBUBU):

Atamuuliza Mheshimiwa Waziri wa Fedha na Mipango:- Zanzibar vipo vikundi vya Vicoba ambayo usajili wake ni lazima waje Tanzania Bara kufanya usajili:-

- (a) Je, ni lini Serikali itaanzisha ofisi Tanzania Zanzibar ili kuweka unafuu kwa Wananchi wa Zanzibar;
- (b) Je, gharama za usajili wa Vicoba ni kiasi gani.

WIZARA YA NISHATI NA MADINI:

47. MHESHIMIWA LATHIFAH HASSAN CHANDE (VITI MAALUM):

Atamuuliza Mheshimiwa Waziri wa Nishati na Madini:- Mji wa Liwale umebakia kuwa Wilaya pekee ya Mkoa wa Lindi ambayo haijanufaika na umeme wa uhakika wa gesi asilia umeme unaotumika ni wa Jenereta mbili za dizeli za kw 800:-

Je, ni kwa nini Serikali isitenge fedha ili kuunganisha Wilaya nzima ya Liwale na umeme wa gesi asilia.

**48. MHESHIMIWA VEDASTO EDGAR NGOMBALE
(KILWA KASKAZINI):**

Atamuuliza Mheshimiwa Waziri wa Nishati na Madini:- Serikali ya Awamu ya Tano inakusudia kuifanya Tanzania kuwa ni nchi yenye uchumi wa viwanda hivyo inahitaji kuwa na uzalishaji wa umeme wa uhakika. Hata hivyo umeme unaozalishwa kwa kutumia gesi pale Somanga Fungu unakatika mara kwa mara na kusababisha adha kubwa kwa watumiaji:-

Je, Serikali inaweza kutuambia kiini hasa cha ukatikaji huo wa kila siku wa umeme unaozalishwa kutokana na gesi ya songosongo.

**WIZARA YA ARDHI, NYUMBA NA MAENDELEO YA
MAKAZI:**

**49. MHESHIMIWA HASSAN ELIAS MASALA
(NACHINGWEA):**

Atamuuliza Mheshimiwa Waziri wa Ardhi, Nyumba na Maendeleo ya Makazi:-

Serikali ina mpango gani wa kuwamilikisha na kutoa hati za kimila kwa Wananchi wa Nachingwea.

50. MHESHIMIWA FRANK GEORGE MWAKAJOKA (TUNDUMA):

Atamuuliza Mheshimiwa Waziri wa Ardhi, Nyumba na Maendeleo ya Makazi:-

Je, ni lini Serikali itatumia wataalamu wake katika kupanga miji na kuondokana na ujenzi holela unaondelea nchi nzima.

WIZARA YA AFYA, MAENDELEO YA JAMII, JINSIA, WAZEE NA WATOTO:

51. MHESHIMIWA NAJMA MURTAZA GIGA (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Licha ya kuwa na Sheria kali kuhusu udhalilishaji wa wanawake na watoto bado watoto wadogo wa kike na wa kiume chini ya miaka 10 wameendelea kudhalilishwa, baadhi ya watu wanaowafanyia udhalilishaji ni baba wazazi wa watoto hao:-

- (a) Je, Serikali haioni haja ya kuweka adhabu tofauti kwa wazazi wanaobainika kuwaharibu kwa kuwabaka watoto wao wenyewe;
- (b) Je, Serikali haioni haja ya kuongeza adhabu kwa kuwahasi wanaume wazoefu wanaopatikana na tabia hii chafu na ya kikatili licha ya kuwafunga kifungo cha miaka 30.

**52. MHESHIMIWA JOSEPHINE TABITHA CHAGULA
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Hivi sasa kumeibuka wimbi kubwa la wagonjwa wa kisukari na miongoni mwa waathirika ni wanawake na watoto:-

Je, Serikali ina mpango gani wa kuhakikisha upatikanaji wa dawa za kisukari katika Zahanati na Vituo vya Afya.

WIZARA YA UJENZI, UCHUKUZI NA MAWASILIANO:

53. MHESHIMIWA ALLY SEIF UNGANDO (KIBITI)

Atamuuliza Mheshimiwa Waziri wa Ujenzi, Uchukuzi na Mawasiliano:- Eneo lote la Vijiji vya Delta ya Mto Rufiji lina wakazi zaidi ya 30,000 na halina usikivu wa simu za mkononi:-

Je, Serikali ina mpango gani wa kufanya utafiti na hatimaye kuweka minara ya simu katika Vijiji vya Ruma, Mbwera, Msala, Kiomboni, Kicheru na Kiasi.

**54. MHESHIMIWA DAIMU IDDI MPAKATE
(TUNDURU KUSINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Sehemu kubwa ya Jimbo la Tunduru Kusini imepakana na Mto Ruvuma na Vijiji vingi vipo pembezoni mwa Mto huo hivyo Wananchi wake hupata baadhi ya bidhaa kutoka Msumbiji kwa kutumia mitumbwi ambayo sio salama kwa maisha yao wanapovuka Mto:-

Je, Serikali ina mpango gani wa kuwapatia kivuko Wananchi wa Vijiji vya Wenje na Makande ili waweze kuvuka Mto kwenda Msumbiji kwa usalama.

WIZARA YA KILIMO, MIFUGO NA UVUVI:

**55. MHESHIMIWA PROF. NORMAN SIGALLA KING
(MAKETE):**

Atamuuliza Mheshimiwa Waziri wa Kilimo, Mifugo na Uvuvi:- Shamba la Mifugo la Kitulo lililoko Wilaya ya Makete lilianzishwa kwa madhumuni ya kuwezesha Wananchi kupata Ndama wa maziwa kwa ajili ya kukuza uchumi wao lakini cha kusikitisha uzalishaji wa Ng'ombe katika shamba hilo kwa sasa umepungua sana kutokana na Serikali kushindwa kusaidia kuimarisha shamba hilo:-

Je, Serikali inafanya jitihada gani kuimarisha shamba hilo ili liweze kusaidia Wananchi wa Makete na Mikoa ya jirani kupata Ng'ombe na kukuza uchumi wao.

III. KAULI ZA MAWAZIRI:

WAZIRI WA KILIMO, MIFUGO NA UVUVI:

IV. MISWADA YA SHERIA YA SERIKALI:

(Kusomwa Mara ya Pili, Kamati ya Bunge Zima na Kusomwa Mara ya Tatu)

Muswada wa Sheria ya Mamlaka ya Maabara ya Mkemia Mkuu wa Serikali wa Mwaka 2016 (*The Government Chemist Laboratory Authority Bill, 2016*).

Muswada wa Sheria ya Usimamizi wa Wanataaluma wa Kemia wa Mwaka 2016 (*The Chemist Professionals Bill, 2016*).

**DODOMA
09 SEPTEMBER, 2016**

**DKT. T. D. KASHILILAH
KATIBU WA BUNGE**